



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

2. Testificatio Joannis de Christo.

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

PUNCTUM III.

1.
Humili-
tas.

2.
Christi
exaltat.
Luc. 3.
16.

Habitus est pro Christo à populo, quod ubi coniecit Ioannes, refragatus est: in quo eluxit insignis humilitas. 1. Quòd nec ob severissimam vitæ rationem, nec ob tantæ eximias virtutes, nec demum ob tantum populi plausum, conceptamque de ipso opinionem, sibi ipsi placuerit. 2. Quòd non dissimulavit rem, sed Christo gloriam dedit, se verò abiecit. *Ego baptizo vos aquâ: venit autem fortior me, cuius non sum dignus solvere corrigiam calceamentorum eius, ipse vos baptizabit Spiritu Sancto & igne.* Ubi etiam baptismum suum extenuat, Christi autem magnificat, cum nos extenuemus bona aliena, effera-
mus propria.

MEDITATIO II.

Testificatio Joannis Baptista de Christo.

Non populus tantum, sed primores etiam dubitare cœperunt, num esset Christus? *Jo. 1. 19.* quare miserunt Sacerdotes & Levitas, ut interrogarent: *tu qui es?* in Responso quatuor heroicis demissionis actus exercuit.

PUNCTUM PRIMUM.

Actus
humili-
satis,

Confessus est: *quia non sum ego Christus.* Hic est primus actus præcisè & promptè amoliri à se, quod non erat; & deferre ei, cuius

cujus erat. Affectatio divini honoris dejecit ^{1.} Dei glo-
Luciferum, & primos parentes exturbavit, ^{riam}
quosdam etiam potentes mortalium hæc in- ^{quærit.}
sania invasit. Contra servavit Angelos, qui
eam respuissent, & Christi Apostoli vehemen-
ter averfati sunt omnem speciem delati sibi
ejusmodi honoris. Calliditas fuit Sathanæ, ut ^{Callidi-}
Joannem, quem alijs machinis labefactare ne- ^{tas Sath.}
quiverat, excellentiæ supra humanam, delatio-
ne caperet. Sic aliàs agit, ut justis majora quæ-
dam supra meritum atque virtutem deferan-
tur, ut evedtos præcipitet, quod, qui in humi-
litate fundati sunt, cavent, sequentes illud:
Quantò major es, humilia te in omnibus. ^{Ecc. 3.}

PUNCTUM II.

Secundò interrogatur: *Elias es tu?* Respon- ^{2.}
det: *Non sum.* *Propheta es tu?* *Non sum.* ^{Debitū}
respondet. Poterat Eliam Prophetam se fateri, ^{honorē}
sicut vocatus est à Christo: at humilis non ^{fugit.}
tantum indebita respuit, sed debita etiam,
quando salva veritate potest, à se amolitur, in-
dustrius in hoc: sicut superbi contra in deri-
vandis ad se titulis & honoribus sunt ingenio-
si. Hic est alter humilitatis actus; & respondet
præcisè: *Non*, ne involutum responsum re-
linqueret suspicionem.

PUNCTUM III.

Tertia quæstio: *Quis ergo es?* *Ego vox cla-* ^{3.}
mantis in deserto. dirigite viam Domini, ^{In Deum}
sicut dixit Isaias. Non jactat genus, parentes, ^{omnia}
lacer- ^{derivat.}

sacerdotium, ut quidam solent de suis gloria
 ri: *Vocem* autem se dicit, quo significat mu-
 nus quoddam sibi demandatum Præcursoris
 sed ita humiliter, ut quicquid est, alterius se esse
 insinuet, nimirum Dei, per ipsum tanquam
 vocem loquentis. Hic est tertius humilitatis
 actus, ut quando bona nostra cogimur aperire,
 quàm demississimè id fiat, ac in Deum
 deriventur. Porro Ioannes erat vox, & ver-
 bo, & exemplo, ad Christum omnes vocans.
 Talis sim.

PUNCTUM IV.

4.
 Publicè
 se depri-
 mit.

Quarta quæstio: *Quid ergo baptizas, si
 non es Christus, neque Elias, neque Pro-
 pheta?* Perstringitur Ioannes, quod usurparet
 sibi munus baptizandi; ipse autem se non tue-
 tur, in Deum authorem referens suum baptis-
 mum, qui est quartus humilitatis gradus, sed
 pergit abjicere se, dicens: *Ego baptizo in a-
 qua, medius autem vestrum stetit, quem vos
 nescitis, ipse est, qui post me venturus est, qui
 ante me factus est, (mihî prælatus) cuius ego
 non sum dignus, ut solvam ejus corrigiam cal-
 ceamenti.* Idem testificatur, quod antea apud
 plebem, Christo dans honorem; nunc maxi-
 mè, quando solemniter ex parte magistratum
 interrogatur, ut illis innotescat Christus, ipse
 autem pro indigno illius servo habeatur. Re-
 ctè Christus Ioannem dixit non esse arundi-
 nem vento agitatum, quippe eandem semper
 confessionem de Christo confessus est, nun-
 quam

Humilis
 stat im-
 mobilis.

quam vanitatis vento transversum impulsus.
Talis est humilis, qui tanquam terræ moles super nihilum suum firmiter fundatus est.

MEDITATIO III.

Christus baptizatur. Matth. 3. Marc. 1.
Luc. 3.

PUNCTUM PRIMUM.

CHristus aggressurus opus suum, valedicit valedi-
Matri mœrenti de abitu, sed gratulanti, cit Matri
ob appropinquantem Redemptionem Israël; *Christus*
profectusque ad Jordanem, inter publicanos
& peccatores baptizandum se offert Ioanni. Fa-
cti hujus causæ fuerunt. 1. Ad humilitatis ex-
emplū, quæ est optima præparatio, ad aggredie-
dum magna, juxta illud: *Et mittes, quod salvatū*
fuerit de Juda radicem deorsum, ut faciat fructū
inrsum. 2. Ut baptismum Ioannis tacto suo
probaret, sicut & circumcisionem, dum ei se
subjecit. Sic Christi legem consiliaque osten-
dimus nos maximè probare, si ea impleamus.
3. Ut sanctificaret aquas in lavacro regenera-
tionis.

Cur ba-
ptizetur
Christus.
1.
Isa. 37.
31.
2.
3.

PUNCTUM II.

Ioannes, qui Christum de facie non nove-
rat, revelante tunc Spiritu Sancto, ipsum
agnovit. Quis gaudij sensus in pectore Bapti-
stæ! illo etiam major, quo *exultavit in utero*

Joannis
gaudiū.

Q 2 ad